

Zeitschrift: Igl Ischi : organ della Romania (Societat de Students Romontschs)
Herausgeber: Romania (Societat de Students Romontschs)
Band: 28 (1941)

Artikel: La caplutta de sogn Gieri
Autor: Derungs, Tumasch
DOI: <https://doi.org/10.5169/seals-882312>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 30.03.2025

ETH-Bibliothek Zürich, E-Periodica, <https://www.e-periodica.ch>

La caplutta de sogn Gieri

da Sur Tumasch Derungs †
(1901)

Sin il crest els Plauns de Raezia ima,
Visavi il vegl casti,
Fai adatg, leu vesas ti
Sper Razen en posiziun sublima
La caplutta renomada
A sogn Gieri dedicata.

Tons maletgs historics aunc de vaglia,
Niev e Veder Testament
En lur niebel ornament,
Decorond gl' altar e la miraglia
Cheu il spért els delecteschan
Ed il cor edificeschan.

Monument antic e venerabel
D' ina fei e caritad
Dils babuns, ch' en pietad
Cheu tiel cult divin e communabel
Giu dals cuolms pelegrinavan
E dals plauns leu serimnavan.

Von miu spért quels temps cert ventireivels
Sepresentan cun vigur,
E jeu aud a dond sinzur
Dalla tuor ils zenns en tuns migeivels.
Annunziond aunc enqualgada
Cheu l'unfrenda celebrada:

Gl'ei l'unfrenda sontga, muort la quala
Nos babuns han erigiù
Cheu quest tempel a lur Diu,
Dedicond el cun amur speciala
A sogn Gieri per memoria,
En siu laud, honor e gloria.